

C A P U T I V.

De angina.

Pag. 56. l. 3. *Anginae varias species.*] Vera anginae idea ab impeditione vel dolore in cibis & potibus devorandis & hauriendis petenda est, illa autem faicum affectio, quae reddit respirationem dolentem à causa morboſa ſuperiores Æſophagi vel Asperae Arteriae partes obſidente, a scriptoribus medicis tam veteribus, quam neotericis, nec non & noſtro auctore, angina ſimul appellatur.

Ambae hae species in alias variis nominibus insignitas dividi ſolent. Ex his autem quam plurimae, partim aliorum morborum ſoboles ſunt, partim ex mala curatione, vel gradu ipſius mali ſuos ortus ducunt; cujus generis ſunt in primis angina paralytica, quae ſenſus prae caeteris occupat, & oriuitur à faicum muſculis adeo nervorum resolutione affectis, ut officiis ſuis fungi nequeant, angina hysterica, quae aſtrictioni ſpaſtice debetur, & aegros hystericos & hypochondriacos obſidet, angina indurata, quae locum habet, quoties inflammatio, ob malam curationem, vel materiae obſtruenteris crassitudinem, glandulas faicum ſcirro affectas reliquerit; vel quoties nulla praegressa inflammatione obſtruuntur illae pittuita

tuitâ glutinosâ , ut strumosis sit , & quibus ob frigus contractum anginam advenire pervulgata res est.

His denique adjicienda est angina illa, quae fanie tenui mali odoris, dolore, & punctione comitata est : Haec plerumque ortum suum habet a faucium glandulis, quae prius scirri naturam prae se ferebant, nuper autem cancro se occupari tristia signa edere incepérunt.

Pag. 56. l. 6. *Non satis pro morbi natura dilucide.]* Loripedem rectus derideat, quis autem, licet parum in historiâ medicâ versatus, nostrum autorem de aliorum scriptis obscuris querentem patienter tulerit, cum periculosi hujus morbi symptomata omni modo tam varia, curationemque tam variam postulantia, nec dilucide nec utiliter satis, ab ipso tradita sunt.

Pag. ead. l. 11. *Glandulae distenduntur & tumefiunt.]* Quo minori incommodo aeger cibum & potionem devorare potest, quo minus intercluditur spiritus, eo minus periculi, ut & quo plus in conspectum veniat pars affecta, quae tumore, inflammatione, aliisve ejusmodi signis se manifestet, eo plerumque levior morbus, & curatio facilior, ob facilem medamentorum applicationem ; & proinde Angina cum tumore externo raro mali ominis, nisi forsitan a mole ingente vasa larga comprimente oriatur malum, vel strumosae aut saniosae indolis sit tumor.

Ista autem anginae species quam noster auctor nominavit primam, ponit partes affectas ingenti aggestu materiae ferosae vel pituitosae obstructas & impletas, ex quo fit ut tumore pallidioris coloris distendantur, quam si his vera inflammatio contigisset. Interea quamvis & cibi devoratio & respiratio aliquatenus impedianter, tamen in officiis suis peragendis obtuse tantum dolent partes affectae. Haec species illis quidem familiarior est, qui obesi, pituitosi, cacheoticci & hydropici sunt corporis habitus.

Pag. 56. l. 12. *In altera tonsillas occupat inflammatio sine perfecta suppuratione.*] Haec species, aliquando partem affectam ad suppurationis, imo aliquando ad gangraenae conditionem adducens, cognoscitur adesse febre, ab ipsa accessione valde acutâ, pulsu valido (nisi multum laborent aspera Arteria, aliaeve partes respirationi inferientes, quo casu debilis & creber est) oris & oculorum vultusque totius rubore, dolore in comedendo & devorando, vel respirando plus minus aucto, pro gradu febris, nec non & inflammationis, quae partes huic vel illi operi, & officiis fungendis assignatas invasit.

Ut proclivitas autem in suppurationem non benignam, vel etiam in gangraenam prohibetur, tota consistit curatio in cito solutione inflammationis, ita quidem, ut aliquando sanguinem ter quaterve in viginti quatuor horis detra-

trahere, eodemque die venas imam linguam percurrentes aperire, & validam alvi purgationem instituere, coactus fuerim. Sin autem aeger nihil devorare queat, clysterum ope solicitanda est alvus, ut sat liquanda fiat.

Vesicatoria etiam imis colli vertebbris apposita, & aperta servata, non levia praebent auxilia, ut & eorundem pone aures, & inde ad humeros applicatio, eo modo, quo optime à parte affecta fiat humorum derivatio.

Interea assidua gargarizatione opus est, ne à respiratione frequenti partes aridae & durae evadant. At in hoc remedii genere adhibendo, melius est, aegrotum perpetuo fere tepidum gargarisimum in ore tenere & expuere, ut ejus ope madescant fauces, quam (ut mos est) fortiter in ore agitare; talis enim motus dolorem excitat, & inflammationem aug^{et}.

Si parum dolent partes, & pituitā lenta tantum obstruantur, ut in specie aquosa dicta non raro accidit, ablutio valida melior est, quippe pituitam solvit & exprimit.

Nihilominus autem, ita res interdum fert, quod inflammatione non sat cito resolutā sit partis affectae suppuratio, interea dum haec contentionē magna agitur, tumor partis sensim increscit, atque in summas angustias, & vitae discrimen, ob periculum suffocationis, aegrūm inducit.

Hic morbi status cognoscitur adesse transitione doloris acuti in obtusum, pulsū molliori, horrore vespertino, alisque puris gene-

E 3 rati

rati signis, & praecipue ore ipso inspecto, & probe examinato, quippe circa tonsillas plerumque situm est malum.

Ideoque si in confpectum veniat pars, depresso lingua scalpelio tundatur, ut exitus patet materiae purulentae, simulque ut brevior & tutior aperiatur via, qua fauces ad pristinum habitum revertantur.

Multum euidem ad hanc rem confert, eas gargarizare medicamentum hunc in modum parato, quod ex ejus usu in hujusmodi morbis sat abunde iterato, haud parvas habere virtutes, mihi bene notum est.

R. Decoct. Pectoral. cum Aq. Calc. ppt. ʒxiv. Tinctur. Myrrh. ʒi. Alumin. ust. ʒi. Mell. Rosar. ʒifs. m.

Si vero confpici nequeat tumor, & tamen propter morbi durationem, & suppurationis signa, eum suppuratum esse pateat, tussi, vomitu, aut sternutatione, excitatis concutendus est, quorum impetu post alias horas, plerumque rumpetur abscessus. At his non valentibus, aegroque in tantas angustias perducto, ut inde immineat immediata suffocatio, restat sola Bronchotomia.

Pag. 56. l. 13. Et indurescunt.] Duri glandularum tumores, scirri dicti, eam anginæ speciem jam proxime memoratam multo saepius, quam aquosam sequi solent, praecipue si pluries trederit morbus. Sin autem diu maneat talis glandularum pravitas, sublatâ penitus fæ-

sævitie inflammata, applicetur gulae emplastrum ex Ammoniaco cum Mercurio, aliudve simile, & commodum erit Mercurium dulcem sublimatum per duas trespve noctes exhibere, & postero die alvum ducere, ea ratione quā ferant vires; talemque purgationem alternis hebdomadis repetere, atque in ejus intervallis bis quotidie devorandus est bolus qui Cinnab. Antimon. Sal. Polychr. ana Æti. Gum. Guiac. pulv. a granis v. ad Æss. habeat, superbibendo cyathum ex decocto Lignorum Guiaci, Sarcaparillae & Glychyrrhizae. Ulcera etiam pone Aures, sub Occipitio & Scapulis manu chirurgi excitata aliquod boni afferant.

Sin vero his modis non solvatur, ut saepe accidit, tonsillarum durities, quin ab harum tumore, & vasorum adjacentium compressione fiat frequens ad morbum recursus, tum vel cultro vel caustico medicamento ex locis suis exterminanda sunt hæc partes durae.

Pag. 56. l. 14. *Illico fit Gangraena.*] Si autem pede tam cito festinet malum, ut irritis omnibus in Gangraenam ruant partes morbofae, id periculum his signis clare indicatur. Fauci dolor intensus, calor fere urens, ruborque splendens, caeteraque Phelgmone symptomata jam antea exposita, inopinato, & sine causâ idoneâ, mitioris indolis larvam induunt, dum revera omni momento temporis, in deterius mutatur morbus.

Tonsillæ enim, partesque vicinae, quae

paulo ante tensae, ruberrimae, succi plenae, tumidae, renitentes, apparebant, nunc repente flaccidae, siccae, inaequales, pallidae, fuscae, livefcientes, & quasi combustae evadunt. Pulsus interea ordine toto deficit vacillatque, quibus superveniunt Tendinum subfultus, Extremorum rigor, sudor glutinosus subfrigidus, anxietas summa, oris spuma, sensus hebetes, tardi, lethargici, & non raro mentis alienatio quaedam, quae praecursorum fidelium instar, mortem inexorabilem ad fores feltinantem accedere annunciant.

Ex dictis satis certum constare arbitror, qualia sint symptomata, quae Anginam summâ inflammatione conjunctam ab ejus accessione, usque ad exitum in Gangraenam desinentem, comitantur.

De his igitur satis, nunc apte atque ordine, de aliâ hujus morbi specie, à priori longe diversâ, nonnulla breviter animadvertere aggre-diar.

Est enim ea Anginae species, quae cum illis a nostro auctore in hoc loco expositis, potissimum convenit; & cum verisimillimum videtur, hanc a nullâ aliâ causâ deducendam posse, quam ab aëre circumfuso, & alicujus rei contagione quâdam inquinato, haud improprie Anginae contagiosae nomen meretur.

Hic morbus nemini mortalium parcit, præ caeteris tamen infantes, foeminas molles, defidiosas, juvenes tenellulos, virosque laxos otio & crapulae indulgentes adoritur.

Inci-

Incipit verò more Anginae praedictae, plerumque verò horrore leniori, & frigore mitiori. Febris autem, quae subsequitur, licet minus acuta, & minori inflammatione conjuncta sit, nihilominus praeter ordinaria illa naufragiae, vomitus, aestus, rubedinis, sitis, linguae albidae, fuscae, & inquietudinis symptomata, semper fere vultum inflatum, animi defectiones saepe recurrentes, dolores Capitis graves, seu vertigine stipatos, Cervicem rigentem, & haud ita multo post, tumidam longè conspicuam, cunctisque notabilem, plus minusve comites habet.

Interea id animadvertere oportet hanc febrem paroxysmorum mores & consuetudinem, ut plurimum imitari; licet enim ex symptomatibus praemissis, nonnulla per totum diem aegrum excrucient, tamen vesperi & per noctem acriora instant, & se periculosius exacerbata sentiri faciunt, quae crastino mane, obortis glutinosis, olidis sudoribus, quodammodo allevata videntur. Obrepit autem omni horâ malum, jamque his occurruunt faucium ardor mordens, Tonsillarum, Uvulae, partiumque vicinarum tumores rubro splendentes, molles, inaequales, Emphysematis instar tumentes, & speciei potius inflatae, quam vere inflammatae signa prae se ferentes.

At nihilominus dum haec fiunt, observatu dignum est, hujusmodi aegrotos minori incommodo respirationem & quod devorandum sit, conari, & perficere, quam ratio & symptomata suadeant.

Interea Anxietas Praecordiorum continuo crescit, Respiratio devenit suspiriosa, Vox veluti ex Guttur venereo ulceroso raucum quiddam clangens prodit; & in hoc rerum statu diem circiter tertium, aut quartum, nunc serius, nunc oxyus efflorescentiae, quales Erysipeli communes sunt, aut Ostri instar splendentes, Cervicem, Humeros, Artusque superiores occupantes, Exanthematibus mali moris saepissime coniunctae, sese oculis subjiciunt: His aliquando furtim anteit, ut plurimum autem succedit cito & inopinata Tonsillarum, &c. detumescientium facies, insidiosâ quidem symptomatum quorundam remissione sociata, Faucium quippe color vividus, coccineus in fuscum & cineritium mutatus, & Glandulae ibidem sitae, stigmatibus albis per omnem eorum ambitum dispersis obsitae, indubitate **Gangraenae** praesentis periculosissimae indicia praebent.

Porro tam rapido cursu nonnunquam fertur hic morbus putridissimus, ut post aliquot horas ab ipso incursu, circa tonsillas & posteriores Faucium partes, quaedam stigmata apparuissent overim, quae ut ut albo-flavis Abscessuum simplicium Apicibus aemula essent, acu tamen chirurgico pertusa, se sinceras Carnis emortuae esse Escharas demonstrarent, & proh dolor, solummodo ulcerum sanosorum, malignorum, speciosa tegmina, introrsum nil nisi turpe inest.

Hinc ille Faetor oris cadaverosus, hinc illi Halitus contagiosi, hinc denique illae Fluxiones

nes acres, sursum & deorsum omnia membra
& viscera depascentes.

Praemissis his, propriam animadversionem desiderare videtur altera Anginae contagiosae species, quae paſtim à Medicis, ſicuti id a noſtro Auctore, malis exemplis inducto, perpetratum videmus, ſine diſcrimine ad poſtre-mam modò deſcriptam omnino referri ſolet; perperam ſane, alios enim Parentes, alia Jura, atque alia Auxilia agnoscit; in illâ, de qua jam fermo fuit, Angina eſt morbus primigenius, ab ipſo initio tonsillae rubent, dolent, tument, & tandem citius, nunc ſerius in Gangraenam definiunt: *In hâc autem, alia res eſt, quamvis aegrotum a prima acceſſione omnia Febris putridae ſymptomata edidiffe liqueat, quamvis & plures dies, imo ſeptimanaſ haec durâſſe certum fit, nulla tamen interea à cibis devorandis Querimonia, nulla Tonsillarum aut Faucium dolentium ſuſpicio, ne ſimilis morbi veſtigia quidem ulla adsunt, tandem increſcente morbo, & auctâ putrida humorum pravitate, Faucium ardorem quendam levi prorsus in muueribus obeundis impeditiōne coniunctum, ſe primum ſentire fatetur Febricitans.* Alia nunc ſymptomata alia trudunt, non ſolum Tonsillae, Uvula, & Fauces ſe in conſpectum dant, maculis albis, fuſcis, cineritiis obſitas, quin oris, aefophagi internam ſuperficiem speluncis innumeris ſaniei tenuis, faetidae, plenis, ubique ſcatere patet. Continuo ex loco in locum ferpit virus, viribus-

busque simul eundo acquisitis, partes sacerdae adeo citissime in eandem calamitatem cum vicinis deveniunt, ut aegrotum jam medio in discrimine mortis versatum, miseranda luctantis Animaे conamina pati videre minime mirum sit.

Pag. 57. l. 25. In Tonillarum Gangraena.]
 Cum medendi ratio hic proposita Anginae, seu summe inflammatae, seu contagiosae, Tonillas occupantis, & Gangraenam minantis, haud bene conveniat, nonne suspicari fas sit, Autorem aliquā cum incuriā egisse, omnes has Anginas fere in unam confundendo, licet certae fidei res sit, se adeo inter se se dissidere atque discordare, ut quā methodo aegrotum una specie laborantem liberaveris, alium alterā detentum, eādem ipsā, ut plurimum e medio tolles; quapropter monita pauca, quae in his morbis medendi magis ex usu essent, hoc in loco subjungere, milii videtur esse alicujus momenti.

De Anginā summe inflamatā antea dictū est, porro si Praxi, de cuius laudibus tanta cum industriā jactitarunt quidam medici nuperi, adhibenda sit fides, ex faecundis vini generosi calicibus petenda est Anginae contagiae sanatio, ab ovo usque ad mala clamitant, Io Bacche, huic numini in posterum cedat Apollo. Quid non? Operta recludit, malignis Faucibus, non minus quam sollicitis Animis, onus eximit: Medicis hisce bibulis ducibus, nil desperandum, spes jubent esse ratas.
Esto.

Estote Pueri aut Puellae, estote Viri aut Mulieres, oh felices ter & amplius, nunc vino repellite morbum. De nugis autem in viam redire tempus est.

Imprimis igitur notatu dignum est, quod ex Auctoris nostri consilio Sanguinis missione & Alvi purgatione incipiendum est. Haec medendi ratio, si urgeat simul Dolor Capitis, & rubeat Vultus vel inflatus sit, procul dubio conveniet, etiamsi ex pulsu tali exinanitione indigere non videatur morbus, aliter Delirium est in propinquuo.

Pari etiam ratione Pulsui nequaquam est fidendum, si laboret aspera Arteria, difficulter enim propter arctatam fistulam per Pulmones transit sanguis, ideoque ejus copiam minuere est maxime necessarium.

Denique in hujusmodi Anginae curatione id maximi est momenti, ut medicus perquam diligenter animadverteret, an aegro cutis sicca & arida, an magnō calore conjuncta, an pulsus celer & durus adfint? Rebus enim ita se habentibus, hoc quoque monitum pro certo adjicere possum, Corticem Peruvianum damnum plane admirandum secum attulisse, quicquid contra suadeant urgeantque tristes Gangraenae confestim adfuturae Minae, neque unquam tutum habuisse locum, usque dum morbus remissionis, vel potius certa quaedam decessionis signa dederat.

Ab his autem longissime diversa est morbi natura, ubi loco symptomatum praedictorum ad-

adsint Oculorum & Faciei pallor, aegritudo Ventriculi, facilis in Animi deliquia Procli-vitas cum pulsu celeri & debili, ut saepe accidit. Omittendae nunc omnino sunt Sanguinis Detrac^{tio} & Alvi Purgatio, & earum vice exhibendus est Vomitus, atque eo peracto, ut quiete, viriumque refectione quadam patiatur aeger, danda sunt Cardiaca & Anodyna.

Praeterea, quamprimum id fieri potest, Deco^rto Pectorali, adjuncta Oxymellis simplicis q. f. frequenter colluendae sunt Fauces; & creberrime haurienda est potio Riveriana dieta, additis simul Pulveris e Contrayervae compositae, pulveris Corticis Peruviani, vel ejus Extracti, aut Confectionis Cardiacae granis quibusdam, ea ratione, quâ postulent vires.

Hac curationis viâ per diem unum alterum-ve procedendum est, donec videatur, quae sit natura mali, summumque quid ejus. Si enim ex faucibus atque tonsillis inspectis, aliis-ve ex symptomatibus praedictis imminentis Gangraenae adsint indicia, statim omnis tentanda res est, quâ vires vitales & humores circulantes ad statum naturalem instaurentur, eodemque tempore non minus cavendum est, ut materiei putri, saniosae, tutus concilietur exitus, ne vel ejus mora in Ulcusculis faedis, Partes vicinae sincerae trahantur, vel ex ejus suetu per Vasa resorbentia pessima accendatur Febris.

Cum vero ex prava constitutione morbi talis virium instauratio & humorum emendatio uno im-

impetu non expectandae sint, ideoque etiam*sí* medicamenta Cardiaca, Diaphoretica & Anti-septica dicta, omnino dare necesse sit, qualia sunt Radices Contrayervae, Serpentariae Virginianae, Cortex Peruvianus, Confectio Cardiaca, Acidis Vegetabilibus aut Mineralibus sociata, tamen ex his mitiora eligenda sunt, & sensim ad fortiora progredi oportet, donec quantum postulent vires ex symptomatibus planius pateat.

Praeterea, ut natura ulteriore Gangranæ indolem aut progressum impedire, & simul mala inde nata expellere proritetur, consulto nitendum est, ut *Gula*, seu potius tota Cervicis Regio pannis laneis, ex Decocito Foliorum Scordii, Absinthii, Florum Chamaemeli, cui Aceti portio decima admisceatur, calidissime expressis, per horam dimidiā foveatur, & dein ut superimponatur Cataplasma ad hanc normam praescribendum.

R. Farin. Semin. Lini in aq. commun. coct.
S. A. ad idoneam consistent. ibis. Theriac.
Andromach. Živ. Acet. optim. Žli. m. f. Ca-
taplasma.

Sexta quâque horâ repeti debent & Fotus &
Cataplasma.

Dum haec fiunt, Vesicatoria pone aures
ponenda esse nequâquam praetermittendum aut
negligendum est, super haec etiam, & ejus-
dem generis Emplastra Colli Vertebris, Bra-
chiis, Carpis, Femoribus, & Suris, eo ordi-
ne & ratione admovenda sunt, quibus natura
in

in hoc morbo dirissimo plerumque languescens,
vires ad fese rite exerendas idoneis acquirere
queat, fin autem hisce stimulis parum profe-
cissee videamur, at e contrario, ex stupore aut
torpore, cum pulsu celeri, debili, inaequali
aut intermittente, vires vitales plus & plus
desicere pateat, tum profecto capiti derafo
emplastrum vesicatorium acre simul imponen-
dum est.

Frequens Gargarismi emollientis, detergen-
tis & antiseptici usus, & aliquando syringis
ope in infantum os & fauces caute injecti, per
varios hujus morbi cursus requiritur, ita qui-
dem, ut urgente materiae tenuis & acris aut
faniosae copia, singulis vel alternis horis re-
peti debeant tales faucium ablutiones, & prae-
cipue priusquam ipsi aegroto vel medicamenta
vel nutrimenta assumere permissum sit, ne si-
mul cum iis, vel in stomachum descendat, vel
late serpendo asperam Arteriam aut Aesopha-
gum male afficiat, vel pressura cruxtarum in
venas recipiatur putridum virus.

Hoc per totum morbi cursum adeo sedulo
observandum est, ut se gargarizare, & caput
erigere, vel efflagitatu vel vi cogendus est
aegrotus, ipso somno subinde de industria fu-
gato.

In acidis etiam exhibendis notandum est,
quod infantes, mulieres laetae, & delicatissi-
mae, senes infirmi, aut cachectici, virique
etiam molles, desidiosi non pauci, se dapibus
& pulpamentis pascentes, acida male ferunt,
&

& morsu aut dolore ventriculi & intestinorum ab iis assumptis laborant; licet modica tantum copia exhibeantur. Cum his itaque perparva portione incipiendum est; & revera primam semper gustare debet medicus, ob varias horum medicamentorum vires, quae sub eodem titulo in officinis servantur.

Alvus interea vel subducenda vel constipanda est, prout postulent febris & aegroti vires; hujus enim praecepti semper memorem esse medicum oportet, quod caeteris paribus, quo debilitas major, eo minus laxanda est alvus. Sin autem ex delapsu humoris acris, purulenti, in intestina, excitentur dolores colici, non prorsus improbanda sunt ea, quae alvum lenissime moveant, qualia ex Manna, Rhabarbaro, & similibus petenda sunt; finita autem alvi subduktione, lenia anodyna statim exhibere utile est.

Eadem res, meo saltem judicio, in tali casu tutius fit, ventrem emollientibus clysteribus laxando, Diarrhoea enim nequaquam excitanda est, at profecto cane & angue pejus vitanda; quippe hujus vi nimis exhaustiuntur humores, nimisque exsiccatur & debilitatur aeger; imo à saniosa materia deglutita, tanta saepe intestinis infertur injuria, ut insanabilis aliquando inde producatur ventris fluxus, modo colliquans, modo dysentericus, hoc vero raro accedit, nisi sub morbi decessione; sin forte tristissimus ejusmodi casus se coram me-

F

dico

dico sistat, p[ro]ae caeteris valeat Decoctum in hunc modum praescribendum.

R. Radic. Chin. Sarsaparill. C. C. C. ana
zi. Gummi Arab. 3ss. Cortic. Cinnamom. pul-
ver. 3iii. Aq. puriss. tbii. Decoque ad tbii.
& dein Colatura[re] adde Sacchar. albiss. 3ss. m.
f. Decoctum, cuius Cyathus frequens, prout
res exigant, dandus est; vel si validioribus
auxiliis opus sit, adjiciendum est aliquod ex
Mithridatio, Theriaca Andromachi, Electario
e Scordio, aut specie e Scordio cum vel sine
Opio, & similibus. Experientia enim saepe
comprobavi parum valere Astringentia fortio-
ra, quippe Intestina laesa horum vi ad dejec-
tiones frequentiores stimulantur.

Ex usu autem sunt Clysteres huic propo-
sito idonei, bis vel ter quotidie immittendi,
scilicet.

R. Jusc[er]ul. Vitul. 3vi. vel 3viii. Mucilag.
Sem. Psyll. Cydonior. 3ii. Electar. e Scord.
3ss. m. f. Clyster. Vel.

R. Gum. Arabic. 3i. solve in Jusc[er]ul. Vi-
tul. 3vi. & add. Electar. e Scord. 3ss. m.

Cum remedia incrassantia dicta apud medi-
cos hodiernos nullo sunt in honore, & jam
exolescunt, eo quod ventriculum aggravare,
vasorum lacteorum oscula obturare, & spiri-
tum angustum difficilemque reddere dicuntur,
mirum forsan videatur, me haec tanti fecisse;
at profecto in hoc, atque aliis hujusmodi mor-
bis putridis, ea non exigui fuisse emolumen-
ta affir-

affirmare haud vereor. Humores enim acries tum diluunt, & obtundunt, tum acidis assū mendis, quae in hisce febribus mali moris ne cessario postulantur, optimum praebent tutamen, ne eorum usu nimis stimulentur intestina: Hoc quidēm incommodum adeo hujusmodi medicamentis praecavendum est, ut remedia acida, quae in corrigenda humorum putredine saniosa, sibi ipsis Palmæ gloriam profecto arrogant, multò majori copia assumi possunt, quam si cum solis aquosis potionibus exhiberentur.

Interea sit *Victus ex Avenae, Hordei, aut Oryzae juscule, cum vini Rhenani, Montani, vel Canariensis pauxillo.*

Vetat enim morbi Indoles, ut Diaeta tam tenui tractandus sit aeger, ac si summā inflammatione laboret; omnibusque autem concedi debet liquidorum lenium viribus quassis reficiendis & symptomatibus demulcendis aptorum copia grata.

Curatio Anginae contagiosae secundae specie, licet magna ex parte, cum iis, quae jam proxime exposita fuerunt, conveniat, tamen has differentias, notatu proculdubio dignas, recipit.

Imprimis aegri hoc morbo laborantes Emplastrum Vesicatoria male ferunt, quae vel ex toto omittenda, vel multo minus audacter sunt admovenda; eorum vice autem, si viarium languor postulet, utilissime supplent Siapismi.

20187

F 2

In

In hoc autem tristi casu , Remedia , quae ad sequentem normam confecta fuerunt , prae caeteris omnibus mea vota ad bonos exitus ducere solebant , augendo vel diminuendo omnium aut singulorum copiam , prout postulent aegrotantium aetas & status & res .

R. Summitat . Rorismarin . Flor . Lavendul . recent . ana ʒii . Radic . Contrayerv . Rad . Angelic . ana ʒſs . Gum . Arabic . ʒvi . Aq . commun . bullient . ʒxii . post macerationem in vase clauso , liquorem frigefactum cola , & adde Vin . Croc . ʒiii . Acet . Vin . alb . ʒſſs . (seu Elixir . Vitriol . acid . q . f . ad idoneam aciditatem) Syrup . Croc . ʒſs . f . mistura , cuius exhibenda sunt Cochlearia quatuor tertia vel quarta quaque horā .

Sin autem his non cedat morbus , sed propensio ad Gangraenam potius incrementum capere , & corpus sudoribus viscidis disfluere videantur , ad sequentia confugere necesse fuit .

R. Ligni Guiaci rasi drachmas duas , Corticis Peruviani in pulverem triti fescunciam , Aquae communis libras duas ; decoque ad libram unam , dein adde Radicis Serpentariae Virginianaee in pulverem contusae unciam dimidiam , Foliorum Scordii manipulum unum , Tincturae Cinnamomi ʒii . post macerationem in vase clauso per horam unam cola .

R. Infusi colati fescunciam , Confectionis Cardiacae , vel Damocratis , vel Electarii e Scordio scrupulum unum , vel Theriacae Andromachi scrupulum dimidium , Kermes Minerale

ralis a grano dimidio ad grana quinque vel sex,
Syrupi Croci drachmam unam misce fiat Hau-
stus, quartâ vel sextâ quaque horâ sumendus.
Horis autem intermediis decoctum sequens ad
uncias duas singulis vicibus assumi debet.

R. Radic. Chin. Sarsparill. Santalor. Ci-
trin. ana ſfs. Gummi Arabic. ʒi. Aquae com-
mun. tbs. & coque ad partes dimidiis, dein
cola, & adde Aceti Vin. alb. ſiſſ. vel Succ.
Limon. recent. ʒi. Aquae Cinnamom. Spirit.
ʒii. Syrup. Croc. ʒi. misce.

Si malâ fortunâ Kermes Mineralis deficiat,
ejus loco substituendum est Vinum Antimonia-
le, ea ratione, qua Ventriculus id sine nausea
ferret. Sin autem in his eligendis optio ali-
qua fit, & potestas, primum locum proculdu-
bio tenere debet Kermes Mineralis, utpote
tutius & felicius votis respondens.

Hac vel simili medendi ratione, forsan usque
ad morbi exitum, faltem ad ejus crifin, quod
tempus pro certo determinari nequeat, per-
gendum est, attentâ interea adhibita observa-
tione, haec omnia adeo caute & cogitate fieri,
prout ea aegri viribus & febris constitutioni fint
maxime congrua: Nimirum, si adsit debilitas
nimia, Cardiacis, Antisepticis & Stimulanti-
bus succurrendum est, si urgeant vigiliae &
inquietudines, anodyna addenda sunt, si, plus-
quam par sit, saeviat febris, augenda est Aci-
di copia, quod cum Cardiacis moderatis &
obtundentibus commisceri debet; si pro sympto-
matum ratione clausa nimis sit Alvus, immitta-

tur Clyster , quo rejecto statim danda sunt Anodyna lenia ; si è contrario nimis soluta sit , exhibenda sunt remedia idonea ex Electario e Scordio , Theriaca Andromachi , & similibus , ut antea monitum fuit ; non tamen prorsus ob- stipanda est Alvus , sed tantum moderanda Diarrhoea , ne vires nimis exhaustiat .

In illa autem Anginae specie , nec non & febris putridae prole non minus exitiali , quae pulsu celeri & debili , sudore glutinoso largo & ferè perpetuo : Capitis & Pectoris regiones praesertim occupante , respiratione suspiriosa , & cruento missò minus aequo cohaerente , comitata est ; medicamenta Cortice Peruviano praecipue conjuncta , & libere exhibita , interpositis nonnunquam quibusdam ex praedictis , mira prorsus fecisse comperi .

Finem his imponam , postquam monuero ulcera saniosa & crustas emortuas , iisdem fere remediis internis & externis , ac in priori spe- cie modò recensitis , ut plurimum indigere , auctis , solummodo in plerisque casibus , acidi copiâ seu viribus , utpote , non solum contra partis singularis , sed adversus acrem putre- que totius corporis habitum strenuo pugnan- dum est . Etenim adstantis medici haec Ars , atque hic labor erit , utinam & his unitis cer- tae aegrorum saluti consulere possit .

Pag. 57. l. penult. Vulneribus satis profundis scalpello incidere.] Crustae hae emortuae vix ac ne vix quidem scalpello aut exedentibus vel adu-

adurentibus medicamentis tractandae sunt, talis enim medendi ratio rarissime tutum locum habet, & plus nocere quam prodest solet, nisi maxima cum cautione, & levissima manu adhibeatur, quando naturâ annuente, & quasi viam monstrante, resolutiones & purgationes mortuarum a partibus vivis jam semel inceptae talia auxilia desiderari indicant. Neque parvi interdum est momenti diligentissimam adhibere curationem, ut fauces jam in plurimis locis nudaे, exulceratae, & valde sensiles factae, nunc gargarismo emolliente, nunc & vaporum, ex eodem bulliente, inspiratu, subinde foveantur, & linctu mucoso contra omne acre & irritans, quantum fieri potest tutentur.

Pag. 57. l. ult. *Adjecta mellis Aegyptiaci aliqua portione.*] Tantus aliquando adest in Tonfillis & Faucibus putris humor, ut ab hoc remedio, licet bene excogitato, opem satis opportunam obtinere frustra expectet medicus, fat bene, at non fat cito movet; interea contagio ulcerosa Labem in vicinas partes integras raptim dat, & dabit in plures; quapropter mihi dia in usu fuit ad hujusmodi misturam promptissimi auxillii gratiâ, confugere, quae rarissime spes meas fecellit. Rx. Mel. Rosar. 3vi. Tinctor. Myrrh. 3i. Balsam. Peruvian. Di. Spt. Sal. Marin. ab gut. decem ad quinquaginta vel sexaginta. Misce.

Hujus guttas quasdam ope Penecilli in crutas immittere sufficit, quod iterum atque ite-

F 4

rum,

rum, prout exigat occasio, repeti debet, nec minus studii ac operae impendere oportet, ut subinde in fauces introducantur linctus mollissimi mucosi, quae ulcerum fordes abluere, & dolores fedare valeant.

Pag. 58. l. antepen. *Strangulatio faucium.*] Hic morbus licet solo strangulatu se prodere dicatur, tamen febris valde acuta, & dolor capitis magnus ut plurimum sese comites huic addere solent. Unde non mirum est, aegrotos hac anginae specie laborantes, nisi summis tractentur exinanitionibus & citissimis, misero cruciabilique exitu perire.

Est autem alia hujus morbi species, quae a medicis socio dignatur honore. Haec quidem non a vasorum constitutione firmâ strictave nimis, sed ab eadem laxa nimisque debilitata ortum profecto dicit. Haec autem angina, alia est quam simulat, & plerumque aegros diuturnis morbis exhaustos aggreditur, & mortem fere semper praenunciat, vix unquam sanantur hi aegri, his porro unica spes salutis futurae, in medicina diaietetica, remedii mucosis & dolorem sedantibus conjuncta, ponenda est.



CA